



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

A parentibus pernicies derivatur in liberos.

---

[urn:nbn:de:hbz:466:1-68709](https://nbn-resolving.org/urn:nbn:de:hbz:466:1-68709)

SYMBOLVM XXIII.  
Athamantis & Inûs conjugum furiaë,

4. Metam.

Ethicè.

A parentibus pernicies derivatur in liberos.

**A**thamas Æoli filius Thebarum rex, repudiata uxore *Nephele*, parente *Phryxi & Helles* ( de quibus alibi ) in matrimonium duxit *Ino, Cadmi & Harmonia* filiam ( de quibus supra ) Bacchi nutricem; ex qua geminos filios suscepit, *Learchum & Melicertam* seu Melicertem. *Iuno* Jovis conjux, dudum omnem Cadmi profapiam perosa, & in ipsam præsertim *Ino*, inflammata, quippe alumni, scilicet Bacchi, nomine & numine superbientem; eam perdere statuit, communi feminarum genio causas inimicitiarum ab arrogantia trahentium. Igitur ad inferos se confert, memor injuriæ, immemor dignitatis; ibi *Tisiphonem*, Furiarum atrocissimam offendit; hanc ad Athamantis regiam ablegat, cum mandatis, ut ipsum pariter atque *Ino* conjugem, ad insaniam atque furorem, tartareo veneno adigat. Accipit jussa infernalis Furia; nec mora: facem sanguine madentem arripit, cruenta se palla succingit, tortuosum serpentem pro cingulo adhibet; comites assumit *Luctum, Pavorem, Terrorem, Insaniam*, & ita ad limina Athamantis regia defertur. Horrorem & diritatem venientis tremuerunt postes, expalluerunt fores. Sol ipse fugit. Portentis territi conjuges fugam parabant. Obstetit in vestibulo *Tisiphone*, excussa que cæsarie, quot capillos, tot colubros sparfit, quorum duos lingua micantes, saniemque vomentes in Athamantis & Inûs sinum coniecit; simulque venena, quæ coxerat è spuma Cerberi & Hydræ pestilentissima, ad rabiem concitandam valitura, in præcordia miserorum intima coniecit, gyratâque sæpius in orbem face, tanquam re benè confecta, recessit. Senserunt illicò furialem pestem conjuges; priórque Athamas insaniâ correptus, dum aulam perambulat; in silva se credit esse, & ad venatum famulos ac canes excitare. Fortè obviam venit regina, gemina cum prole; ille ratus lænam se duobus cum catulis conspicari, alterum ex ijs, *Learchum* arripit è materno gremio, vicino allidit saxo. Mater *Ino* sive formidine, sive pari furore acta, mino-

minorem filium *Melicertam* amplectitur ulnis, citato fugit cursu, in cuiusdam rupis summitatem enititur, & inde se cum puero in undas Helleponti, dat præcipitem. Miserante infelicium casum Neptuno; cum perijisse viderentur, in Deos marinos evasere, quorum illa *Leucothea* (Latinis *Matuta*) hic verò *Palemon* (seu *Portumus* aut *Portumnus*, quod portubus præesse crederetur) dictus, & à nautis est cultus.

### Ethicè.

Hanc fabulam, omissis parergis, disertus hujus ævi scriptor traducit ad parentes liberis suis perniciosos. (a) Adfero ejus verba. Quænam hæc phrenesis ac furor est? Rex Thebanorum Athamas filios suos venatur, & captos pro fera occidit; Vxor Ino, Mænadis instar exululans, Melicertam natum suum, longè charissimum, in montem præruptum raptat, atque inde in subjectum mare excutit, eodem secum casu interiturum:

Imminet æquoribus scopulus; pars ima cavatur  
Fluctibus, & tectas defendit ab imbribus undas:  
Summa rigent, frontemque in apertum porrigit æquor.  
Occupat hunc (vires infania fecerat) Inos  
Sèque super pontum nullo tardata timore  
Mittit, onusque suum.

Hæc parentum infania est; filios Deo natos venantur, dum Mundo inaugurant. Hic matrum furor est: & ipsæ in pericula insiliunt, & filios vix dum natos secum rapiunt in omne genus profundissimarum vanitatum. Vix lallare incipiunt, jam nobiles, illustres, generosi salutantur, & antè avos, atavosque possunt enumerare, quàm nominare SS. Trinitatem. Vix primam togulam induerunt, cum jam sciunt se esse dominos in domo. Vix per scamna repere didicerunt, cum jam audias diçteria contumeliosè jacentes. Jam chartas lusorias ordine, jam tribunos & vice-tribunos distinctè, jam reges & fues; frondes & glandes; corda & tintinabula pernoscent accuratè; cum tamen nesciant quid B. Virginis, quid Christi in cruce suspensi sanctissima effigies portendas. Nonne hoc est liberos præcipites in mare periculorum, & in orcum agere? P. Georg. Stengel. c. 7. Labyrinthi, Part. 1.

Addo ego ex libro Jobi c. 21. *Egrediuntur quasi greges parvuli eorum* (Hebraicè, emiserunt quasi pecudes, parvulos suos) & *infantes eorum exultant lusuibus &c. & in puncto ad inferna descendunt.* En præ-

P 2

cipitium,

(a) A parentibus perniciis divivatur in liberos.

cupitium, en barathrum, in quod blanditijs suis ac pravis exemplis parentes trahunt filios. Satyricus de his.

Si damnosa senem juvat alea : ludit & hæres.

Bullatus, parvòque eadem movet arma fritillo. Juven. 14.

De matribus Comicus in Heautom. *Matres omnes, filijs in peccato adjutrices, & auxilio in paterna injuria (ita justam severitatem interpretantur) solent esse.* Ita fit, ut filij à patribus allidantur velut ab Athamante ad saxum: à matribus cum Ino, mergantur in profundum. Nam quid ex probrosis parentum moribus aliud consequatur, quàm pessimi mores liberorum; & ex his tristissimus animorum interitus? Siracidis dictum est: c. 41. *De patre impio queruntur filij; quoniam propter illum sunt in opprobrio.* Tum quia probrum patris transit ad posteros; tum quia cum sanguinæ ducuntur scelera, & digna his supplicia. Et ibidem: *Filij abominationum sunt filij peccatorum, & qui conversantur secus domos impiorum.* Nam per impios filios, fit abominabile & infame nomen parentum. Idem accidit ijs, qui cum improbis familiariter versantur, quorum pravos sermones & actus imbibunt; Neque enim solùm ex malis nascuntur mali, sed consuetudine quoque & institutione transmittuntur vitia, discipulorum à magistris, subditorum à præpositis, civium à magistratu, familiarium à consortio; quibus omnibus modis vel ætas, vel mens infirmior in præceps devolvitur.

## SYMBOLVM XXIV.

Perseus raræ virtutis heros.

4. *Metam.*

Ethicè.

1. Capillorum retia in feminis.
2. Capillorum vanitas.
3. Victor cupiditatum.
4. Concupiscentia triplex.
5. Modus superandi pravas affectiones.
6. Inhospitalitatis pœna.
7. Auspicatum connubium.
8. Acer disputator.

**P** *Hercus* Neptuni filius, rex Corsicæ & Sardiniaë insularum, tres habuit filias, videlicet *Medusam*, *Sthenonem*, & *Euryalen*, quæ Dorcades insulas, in Oceano Æthiopico sitas habitârunt, non procul Hesperidum